



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXXXIV.

urn:nbn:de:hbz:466:1-42840

in triclinio palàm de genibus *Aue MARIA* pronun-
ciabat : mox omnium , tanquam B. Virginis filio-
rum, feruorumque fidelium pedibus aduolutus, eos
exosculabatur. Impressa est hoc anno Duaci B. *Sta-*
nislai Kostka ad Deiparam in cælos Assumptam,
epistola, carmen P. Ioannis Vincartij, toto inge-
nio *MARIANI*.

Sabbato.
Humili-
tas.

804 P. *Franciscus Aguado* in *Sapiente Christiano*
hoc anno edito suadet imitationem Deiparæ è S.
Athanasio dicente : *facta est typus imitabilis omnibus.*
è S. Gregorio Nazianzeno, qui ait; *illa tibi sit om-*
nis operis & verbi spirans imago: è S. Ildephonso,
qui ait; *Imitamini, filij, signaculum fidei vestrae MA-*
RIAM. P. *Gregorius Mastrillus* edidit Italicè noue-
nam super Antiphonas maiores quæ in expectatione par-
tus B. Virginis recitantur.

fol. 254.

ob Nea-
poli 1633.

ANNO MDCXXXIV.

805 P. *Antonio Andrada* magnâ dolorum vi
afflicto, & pro illis aliquid à B. V. leuamenti, si ita
DEO placeret, expetenti fertur se conspiciendam,
præbuisse Deipara, & dixisse: *Tam fili, nihil tibi*
dolebit amplius. Et abstinit omnis dolor, neque re-
uersus est. S. *Ioannes Damascenus*: *Corpus, ani-*
mam, & mentem tuæ bonitati committens, misericor-
diam tuam rogo, ò pura, ut ab infirmitate miserabilis
corporis mei sanes mentem meam.

ob. 1634.
Goa.

m. s. fer.
6.

806 Hoc anno 8. Octobris scripsit, & iuratus
etiam officij sui sigillo affirmavit P. *Nicolaus Lan-*
cicius Lithuaniae Præpositus Prouincialis, se Romæ
ante annos circiter 40. legisse in chirographo quo-
dam P. *Ludouici Mansonii Prouincialis Neapoli-*
tani magno sanctimoniae nomine celebrari; Neapo-
litane Virgini *Ioannæ* ab *Alexandro* hæc à *Chri-*
sto dicta esse inter alia plura: se Societatem habere
intra.

Obedien-
tiæ cæca.

intra cor suum: velle se in illa vigere obedientiam
cæcam. Tum à Christo Beatissimæ Virgini com-
missam Societatem, & omnes de illa; vt illa eo-
rum, tanquam filiorum, curam haberet Mater.

*Inire pa-
ctum cum
amicis de
cultu B.V.*

807 P. Hieremias Fischer incredibili ad arden-
torem Deiparæ cultum ardore se inflammatum
sensit conspecto quodam de Societate vita functo,
cum quo ille olim in Dei Matris cultum singulari
quadam necessitudine conspirârat. Is ergò Hiere-
miæ in Dei Matris cultu olim sodalis pactione mu-
tuâ eidem illigatus; illi se post mortem videndum
præbuit, vt aiunt, & disertis verbis dixit: *Sibi penes
Beatissimam Virginem bene esse*. Retuli hæc in Anno
dierum illustrium Societatis 23. Maij.

*Discere à
mortuis
colere B.
Virginē.*

*ob. Antuer-
piæ 1634.*

*Totum il-
li sangui-
nem dedi-
care.*

808 P. Adrianus Papenbroeck pro præsidio puri-
tatis. etiam octennis crebrò ieiunabat pane frigi-
dâque contentus: sæpè corpusculum cilicio accin-
gebat. Reperta est in lipsanotheca illius post mor-
tem syngrapha, quâ se Dei Matri suo sanguine de-
dicârat: vtque illi seruiret, Societatem iniit. Apud
Baronium Deipara dicitur sanguinem & aquam è
Christi latere collegisse. Nostras quoque lachry-
mas (vtinam & sanguinem!) colliget illa, & cum
pretioso Christi sanguine offeret SSS. Trinitati.

t. i. pag. 181

*Præsenta-
tionis B.
V. festum
eximie
colere.*

809 Brugis nouendialis *Matris misericordia ad
Præsentationis* illius festum solennitas hoc anno in-
stituta. Dunkerkæ fœminam pluribus morbis vl-
ceribusque miserabilem, ea quæ apud nos colitur
Dei Mater persanauit. Imago B. V. Auxiliatricis
à nostris palàm in supplicatione portata, quam
sanata illa fœmina cum accenso cereo sequebatur.
Theodoricus Comes Flandriæ (anno 1168. mor-
tuus) Cænobium extruxit; cui nomen *Laus Virgi-
nis*. Cor nostrum sit eius nominis, reique cæno-
bium

bium illi sacrum.

810 Rubeaci hoc anno 15. Septembr. P. Iodocus Mayering, & Andreas Martini ab hæreticis è templo; ubi coram SS. Sacramento litanias de B. V. & de omnibus Sanctis recitabant; extracti sunt ad mortem, dicentibus hæreticis; MARIAM illis nihil profuturam. Et verò cæsim ac punctim occisi sunt, cum sicariorum quidam pro signo dato exclamasset: Sancta MARIA. adeoque felix mortis tessera illis fuit Sancta MARIA. Sit & vitæ, ac mortis nostræ. Tu es, inquit ad eam S. Ioseph hymnographus, tu es aditus quo ad Deum perueniant saluandi.

811 Duaci Sodalis publico munere quo familiam sustentabat, ob furtum iniuriosè illi impositum deiectus, nostri Sacerdotis suasu ad B. V. Halensem peregrinabundus abiit nudipes per hyemè asperè sævientem. Orauit, & redijt. Mox fur quidam aliâ de causâ datus in vincula, & breui ad furcam educus, tam priuatim quàm palàm coram Vrbe totâ se furti Sodali illi malè impositi autorem fuisse disertè pronunciauit: & ille innocens, ac noster de prospero consilij peregrinationisque successu gauisi sunt. S. Bonauentura: *Qui tristatur in corde suo, clamet ad illam, & duleoranti stillicidio inebriabitur.*

812 P. Didacus Monterus, asceta magnus, quotidie semihoram dabat alicui de B. V. meditationi.

813 Matthias Vvagner Scholasticus cilicio intertextis SS. IESV, & MARIÆ nominibus distincto utebatur; vt amorem ac nomen vtriusque sibi dolore imprimeret. Quoties palàm dicere iuebatur (si argumentum haud inuitè id pateretur) dextrè de illa sermonem inferebat, diserebatque ardentè. Hymnum ex Hugonis Carthusiani hortulo in sep-

D D D

tem

In periculis. Iitanias B. V. recitare.

Vide annum dierum illustrium 15 Febr.

m. f. Sabb. ode 3.

Peregrinationes ad B. V. suadere.

Pf. 117.

ob. 1634. Conimbriæ.

De illa quotidie meditari.

ob. 1634. ad Graecium.

Cilicium.

tem dies distributum Deiparæ honori quothebdomadis recitabat: Immaculatæ Conceptionis horas quotidie. Illâ immaculati mysterij puritate dicebat se ad insignem cordis puritatem procurandam inflammari, quòd sub eius tituli vexillo se albo Sodalium inscripsisset. Illam in Magistram elegit, S. Elzeario in patronum adhibito: illam in sponsam, virginitatis voto concepto atque seruato; adhibitis SS. Edmundo ac Bernardino veluti paranymphis. Societatem amplexus est, à Georgio Ferro Austriæ Præposito Prouinciali, vt Angelus, admittus, quòd vellet (ac sic se posse putaret) Deo, ac B. Virgini optimè maximeque placere; vt inter alia erga illam officia pietatis, paruulos ipsius cultu erudiret; atque tunc Lauretanam B. V. Domum Viennæ quotidie inuisebat. Ad flagrantissimum Sanctimonix studium se accendebat illis verbis sæpiùs repetitis: *Ad maiorem DEI gloriam, & B. V. honorem.*

Vocatio.

814 P. Franciscus Marcellus Mastrillus hoc anno, 3. Ian. à S. Francisco Xauerio visitatus & sanatus est à vulnere letali, quod in accuranda B. V. sinè macula conceptæ solennitate acceperat. Res proluxa, & passim nota est. Antequàm in Indias proficisceretur, Neapoli dixit cuidam; quòd exilis quidam, quem ipse Deiparæ obtulerat, mortificationis actus adeò placuerit Reginae cæli, vt per illam sibi persuaderet impetratum sibi fuisse illud miraculum. Stabat Marcellus in quodam Regij palatij angulo Neapoli quâ transibat solemnitas quedam & Neapolitani splendoris ac nobilitatis plena supplicatio. Tunc Marcellus oculos suos Beatissimæ Virgini consecrauit; eiusque amore se periclitatur vt ne quicquam tam dignæ oculis pompæ aspiceret.

Oculos mortificatore.

ret: quocirca nunquam oculos eò conuertit vbi eam delibare posset. Hanc sui victoriam Virgo liberalissima, illo miraculo, vt ille aiebat, impetrato, & miris deinceps consecutis honorauit. Simus illâ aspiciendâ & amandâ contenti cui S. Ioannes Damascenus: *Totam gratiarum abyssum in te residentem agnouimus.*

*m. s. fer. 2.
ode 1.*

815 P. Blasius Plozzynius scripsit aureum monile, seu modum colendi B. V. per quotidiana precum, actionumque officia. Dedicat libellum Deiparæ *munificentissimæ diuinarum opum thesauraria, serenissimæ diuinorum consiliorum Secretaria, eminentissimæ post Deum Maieitati.* S. Leocadia è tumulo suo gratias egit S. Ildephonso pro libro de B. Virgine conscripto.

ob. 1634.

Califfi.

Illam.

summis it

tulis ce

lebrare.

Marty-

rol. Hisp.

9. Dec.

ob. 1634.

28. Aug.

Opera sua

per illam

offerre

Deo.

816 P. Christianus Mayr in ijs quæ hoc anno impressæ sunt Industrijs omnia opera nostra offerenda ait DEI Matri, & per illam Filio, qui ea expoliat, & suis ac suæ Matris meritis coniuncta nobilitet, ac Patri sistat. Optat per illam obtinere amorem DEI; illam vult colere, atque coli ab omnibus omni optimo maximoque studio quocumque potest. Si quid agendum sit, sic docet illud Deiparæ Matri offerre: *O Mater gratia, respice hoc exiguum seruitutis meæ obsequium, quod offero mellifluo cordi tuo, emendandum, perficiendum, & representandum dilecto Filio tuo, ad maximam eius gloriam, amorem, beneplacitum, in gratiarum actionem eternam; ad gratiam impetrandam illi placendi perfectissime in æternum. O IESV, dignare de manu piissimæ Matris tuæ suscipere hoc obsequium, & quæ illi desunt infinita tua pietate supplere. Somnum quoque per illam offert DEO, & protestatur se illi velle indulgere non ob voluptatem, sed ob necessitatem, ac DEI voluntatem.*

D D D 2

tem.

Meneu
1. Ian. tem . Sic illi nostra omnia offeramus quæ est Sum-
ma Christianorum Antistes .

ob. 1634. §17 P. *Cosmus Alemannus* vt ad IESVM & MA-
RIAM per Sanctos sibi aditam aperiret, omnium,
Sanctos , quos legere poterat Sanctorum numero inito, ac-
et illam curatè atque attentè singulorum honori semel Pa-
colere . ter noster , & Aue MARIA , recitauit .

ob. 1634. §18 P. *Gaspar Lechnerus* peritus Partheniorum
Praga. cœtuum Præses edidit Ingolstadij ac Dilingæ Soda-
Sodales. lem Parthenium : vbi vt virtutes persuadeat , illas
Sodaliū exemplis illustrat . Meminit Sodalis Pe-
trocoriensis anno 1592. ob neglectam (quam à
23. annis quotidie recitabat) B. V. corollam , &
quodam B. Virginis festo sacræ mensæ omissa myste-
ria , à dæmone raptari cœpti , sed à Deiparâ de-
fensi : Sodalis Friburgensis inter ossa mortuorum
superbiam suam domantis : Neapolitani , qui toto
30. annorum spatio à Sodaliū cœtu ne semel
quidem abfuerit : Iprensis , cui concentu suo An-
li Sodalitatem initam visi sunt gratulari : dæmonis
quoque cuiusdam , qui ex energumena factus est,
se desiderasse vt Sacerdos quidam Sodalitatem
desereret .

Manci-
pium fe-
ri B. V.
cap. 17.
n. 18. §19 Mancipium se Deiparæ addicere ; illi de-
nouere seruum caput ; se tanquã pigrum illius ser-
uum plectere ; coram illa quotannis tributum ali-
quod pendere nota res est vsu multorum . Laudat
hæc *Georgius Reeb* libro de prudentia Christiana , &
oculati testis auctoritate firmum huius anni 1634.
exemplum adducit : factum nempe dæmonem ; So-
loduri in Heluetia ; tribus potissimum de causis se
ad migrationem compelli ; inter quas vna erat quod
illa quam obsederat , consueto iam apud multos
more , Virgini Matri fuisset mancipata . Docet de-
figen-

figendos esse in B.V. imaginem oculos dum tenta-
ris, & ad eam aspirandum pro ope. Posteaquam
te Deiparæ dedicasti, respondendum tentanti: *Tar-*
dè nimis accedis: iam alteri fidem obligavi: nec in hac
parte meus posthac ero: nec tuus esse volo.

In tenta-
tione.

820 P. Maximilianus Sandæus MARIÆ LUNÆ my-
sticæ hoc anno editæ pag. 230. notum sibi adole-
scentem narrat, in morte sponte factum; malorum
suorum principium fuisse, *in veneratione Deiparæ*
scordiam.

821 Romæ eodem anno P. Leo Sanctius laudes
B.V. edidit, siue Eroparthenica.

ANNO MDCXXXV.

822 Coronam DEI Matris ita atque si ultimo
vitæ die illam diceres recitare docet P. Iacobus de-
la Motte, qui ultimo vitæ suæ die tria DEI Matri-
rosaria recitavit. Hoc age quod petit à B.V.S. Bo-
nauentura: *Non praualeant aduersum me laquei mor-*
tis; & castra malignantium non impediunt gressus
meos.

ob. 1635.
Armeute-
riæ.

ps. 24.

823 Ioannes Benoit Coad. vt ne à Societate
deficeret, Sabbato ieiunabat: certis alijs ad SSS.
TRINITATEM, ac B.V. precibus fufis, vt *finale*
perseuerantiam per B. Virginem impetraret. S. Ansel-
mus: *Tantummodò velis salutem nostram, & verè ne-*
quaquam salui esse non poterimus.

ob. 1635.
Mötibus.

Vocatio.

lib. de ex-
cell. Virg.
c. 12.

824 Peregrinationes ad B.V. si quæ à Superio-
ribus permittantur, magno exemplo esse obeun-
das ostendit P. Laurentius Bartilius, qui vt Lauretum
ex Lituania pedes mendicatò peregrinabundus
proficisci posset, modestissimè impetrauit. Per
iter loca Sanctorum Sepulchris celebria, præmissâ
pridie flagellatione, ac ferè non aliter, accedebat,
cæcus ad splendores, & vana, Iter Anconâ Lau-
retum

Peregri-
nationes.

Vide Ko-
ialouic in
eius vita.